

室宿論

營室二星天之宮也一曰玄宮一曰清廟又爲軍糧之府及土工之事星明國昌不明祠祀鬼神不享月五星彗孛守犯王者憂軍糧乏歲饑工役興離宮六星兩雨而居天子之別宮也騰蛇二十二星明則魚鹽賤羽林軍四十五星在室宿南一曰天軍主軍騎又主翼輔王室壘壁十二星在羽林北羽林之垣壘主軍伍五星入天軍中皆主兵起又主王師親行熒惑太白客彗守犯九凶主王師管窺輯要

卷之三十五

二

績敗北落師門一星在羽林西南北者宿在北方之肅殺也落者天之著落也師衆也師門軍門也主非常以戒不虞有星守之主虜入塞兵起主王師失律有變天綱一星主武帳八魁九星主畋獵講武客星犯之戒射獵恐有不虞鉞鉞三星八魁東主斬殺雷電六星在室南土公吏二星在雷電旁其星動土後大興

室宿說

室二星宋志距南斗去極八十度半赤道七十度

十分黃道十八度三十二分其下十三尺爲天之
中道十月農工已畢此星昏而正中於是時可以
營制宮室故謂之營室爾雅云營室謂之定郭璞
云定正也天下作宮室皆以營室中爲正也詩云
定之方中作於楚宮左傳註云營室水也故云水
昏正而栽石氏曰謂之玄宮史記曰清廟乃木之
廟也又爲軍糧之府及土工事動則有土工兵出
野甘氏云爲太廟天子之宮也金戶玉扃之司星
明則國昌小而不明則祠祀鬼神不享國多疾疫

管窺輯要

卷之三十五

三

郁萌曰彗出室天下政易又彗出兵起大喪火金
聚其地戰不勝金掩火有兵又爲後宮懷妊之象
字出有兵喪後宮亂室爲姬訾之次亦曰豕韋也
離宮三雙兩兩相比分布室之左右天子之別館
亦隱藏休息之所故曰營室天子之常居離宮后
妃之所居也不見及金火守則兵起

土公吏二星在室西南主土功之官司室所屬動
搖則有修築之事金火守爲災隋志云土公吏主
司過度

天綱一星在北落師門之西乃正北方與南北極相應氣機之所斡旋也故名舊作天綱主武帳獵之會所與入魁同占則非矣

入魁九黑星在北落師門東主設機筭張羅網卽射人所掌服石氏曰羅氏掌畜等官也金火入守爲災客星犯入守盜賊兵起

鉄鉞三星亦曰鉄鎖在入魁西北軍中之所有事主誅夷暗則鉄鎖不用移動則兵起五星入皆爲大臣誅

管窺輯要

卷之三十五

四

北落師門一大星在羽林西南天之藩落也亦曰天軍藩之候門今長安門曰北落門以象此也卽大司馬仲冬教大閱所謂以旌爲左右和門以敘和出軍令貴一師克在和也主備非常以候兵明大則軍安史記北落若微則亡軍星動甬益希及五星犯則軍起火金水守尤甚一曰有星守之則虜至塞史記又云火軍憂水患木土軍吉漢書音義曰木星土星入北落則吉也

壘壁陣十二星在羽林北橫列營室之南羽林之

垣壘也天子四時之田以講武事而冬則備軍禮
以大閱故係於此卽今之團營也主軍伍其星衆
而明則吉安寧希而動則兵革起不見則天下亂
失其常處則兵起將有死者五星入皆爲兵起金
火水尤甚重其和樂羽林四十五星三三而聚散在營室之南乃天軍
也鄉遂之兵較閱而不調用主翼戴王室又主軍
騎其占與壘壁陣同微則禁軍弱公南水爲火水
騰蛇二十二星在室之北若盤蛇之狀居於河中
管窺輯要

卷之三十五

五

謂之天蛇北方水虫也微則國安明則不寧移於
南則大旱移於北則大潦客星守之雨水爲災水
物不收

雷電六星在室南主興雷動勢明則雷電震芒角
動搖則雷電非時擊物王者之師如雷之動如電
之明其鼓舞羣動神武如之宋志云甘氏曰雷電
在室南霹靂在雷電南雲雨在霹靂南土工吏在
壁西南蓋雷公電姥雲將雨師與夫霹靂釜吏皆
北方水府之精而妣訾爲天門故其神棲焉室不

得而司之也

天海十星狀如天錢在天綱之東北落師門之西
王應電有此星四海之精也又天淵亦爲天海故
步天歌缺天海

自室至婁天子之宮館苑囿在焉所以待客講武
遊觀之所皆不可闕亦不可溺者也

室宿主宮室土工度十七度一十分外十三尺爲
黃道初危十三度外末奎三度內於辰爲亥於分
爲衛於野爲并州賦營室東壁之躔婁訾衛并之

管窺輯要

卷之三十五

六

野自太行懷相東抵大名之鄆濮起白馬衛澶北
負河內之鄆鄴十月在危昏中東正月爲太陽躔
次

室宿歌

兩星上有離宮出繞室三雙有六星下頭六個當
電形壘壁陣次十二星十二兩頭大似井陣下分
布羽林軍四十五卒三爲羣軍西四星兩難論仔
細歷歷看區分三粒黃金名鈇鉞一顆真珠北落
門門東八魁九個子門西一宿天綱是雷傍兩星

土公吏室上騰蛇二十二

室宿考

騰蛇二十二星若蟠蛇之形在室北河中主水族之類○雷電六星在營室西南主雷電動蟄虫○土工吏二星在室南主設備司過○壘壁陣十二星橫列室壁之南天軍之垣壘○羽林軍四十五星散在壘陣之南守衛天子之宮○北落一星在羽林西南天軍之門主候非常○天綱一星在北落西南主武帳官舍天子戈獵之所○鉄鉞三星管窺輯要

卷之三十五

七

在羽林西主行誅罰○入魁九星在北落東南張禽獸之官

室二星一曰玄宮二曰清廟○曰營室主宗廟軍糧及上功之事室二星謂之定定正也主土功詩云定之方中明大吉暗多疾變動搖興土功兵起離宮六星兩兩而居在室北之東西乃后妃六宮之位也主閉藏休息之所明則王者有子金火守兵起

騰蛇二十二星在室北主司水虫獲水災微則國

安移南旱移北水

雷電六星三三而居室南主風雨
壘壁陣十三星羽林軍四十五星俱在室南主擁
衛天子之軍明靜則安金火守兵起
土公吏二星位在室西主土功之官動搖則有修
築之事

八魁九星在鉄鉞東掌禽獸之官容北金火守多
盜賊

鉄鉞三星在北落東一名斧鉞主誅詐偽暗則吉
管窺輯要 卷之三十五 八

北落一星在羽林南主防夷候兵

天綱一星在北落西主張天繩又主武帳天子遊
獵之所金火守兵起

室宿室二星離宮六星十六度三百四分度之七
十五在一度之末二度之初距室南星去極八十
五度在黃道內十八度半木星也春夏爲木秋冬
爲土天子之宮一曰玄宮一曰清廟又爲梁廩土
王軍糧之府也離宮六星爲天子別宮藏息之所

休解之房動搖則兵起軍糧用星明國昌小而小
明祠祀鬼神不享○日食室中王者自將兵征不
伏○月食室中大饑兆民絕糧
金犯乘守及入環繞勾巳后妃黜或主崩但后黨
被誅或爲宮女通外人以時占之

木守之在南旱在東有喜在北有憂在西米貴○
火守之將軍凶若久守主室宮棄位大臣陰謀憂
旱米貴十倍兵起守二十日以上至九十日臣謀
君篡位惡之○土守之室若有軍出兵敗主人得
管窺輯要

卷之三十五

九

地又米貴人民散失○奎守之兵車解散若久守
兵敗滿野○水守之爲水災天子欲敗王侯之國
不出三十日
客星守及彗孛犯之先起君弱不可戰必敗
月暈室壁下逆謀咸起婦人多病死

室宿總敘

室二星曰營室一曰光星一曰玄宮一曰清廟一
曰玄冥一曰天官一曰天庫一曰體官天子之宮
軍糧之府木星也主宗廟主三軍廩實及土工事

其下九尺爲日月五星中道其上六星兩兩而居
曰離宮后妃六宮之內爲宮掖永巷或曰營室二
星上一星爲天子宮下一星爲太廟故置羽林以
衛之將有土功之事占於營室星明正則國昌不
明正則鬼神不享祠祀國多疾疫動則有土事芒
角則有兵疫星亡則輔臣死離宮不具則王者無
子營宮東壁四星爲天四輔其中正而實吉正方
也實則其間小星多也荊州占曰四輔歪則輔臣
不忠越職賣權二舍不實則中涓洩出入不常嫡
管窺輯要

卷之三十五

十

妾相踰宮女怨曠

日月變異占

日月食室王者自將天下大擾黃帝占曰後宮出
入無禁一曰外戚擅權君戒出入有軍在外絕糧
士卒逃散一曰國憂主易

日暈於室人主好色外戚弄權一曰後宮有變女
主黜一曰人君爲太子所制

月在室食年饑民絕糧郗萌曰天子無嗣女主憂

一曰土工興天下乏

月暈室婦女多病死天下有謀奸臣起亂不成海中占曰兵起有屠城郗萌曰宮室敗一曰宮中有喪一曰大風起天文錄曰有水災一曰宮中有陰謀乙巳占曰有蠻夷使來貢荊州占曰常以七月四月十月候月若暈玄宮不出六十日有妄營驚乘百姓不則不出九十日天下有急事

月暈室壁風起大水至寡婦小兒多死月變於室大臣爲亂國亡地時死相去兵在外者敗一曰王者自將兵不安正寢

管窺輯要

卷之三十五

十一

月與五星于犯占

月犯室國有憂一曰有亂亡地宮廟有毀上工興相死兵起天子自將

歲守室天下饑國有急石氏曰人君不安親戚宮中有火災巫咸曰人多病疾海中占曰王者避正殿居別室旋思有過則無咎郗萌曰土工興有遷王者立后又曰室中有大死者一曰后夫人憂玄宜古曰其邦有得地守之二十日至七十日則有大賊天子自整六師兵軍大行天文論曰水守室

人君有晏賞爵祿及天下乙巳占曰有德者得地
歸於民爵○木守室處其東有赦令處其南春米
賤國有喜處其西米貴牛羊賤處其北國有憂天
文錄曰木守室有赦去陽之陰牢獄盡空○木犯
室犯陽陽有急犯陰陰有急一曰土工興○木經
室而去人主有慶賜事天下有受爵祿者永之室
曰宅○木逆行室其國用兵不時君出不還○木
雷處其北有其兵罷處其東食貴民多徙處其
南春食賊處其西有憂○木舍室行不由正道人
管窺輯要

卷之三十五

十一

君用人失當○木出入雷舍八十日不下地半震
九十日不下有急令大將出齊伯占曰君危
熒惑守室將軍凶春秋元命包曰群妃闕文耀鉤
曰后妃專權石氏曰天子爲辟自守粟貴守之三
月王者崩有立王甘氏曰密燒主人將軍有誅又
曰民人爲變巫咸曰旱五穀不成多火災海中占
曰人疾疫多死郗萌曰人主改宮室天下大饑○
火犯室有兵民死歲旱郗萌曰犯其陽陽有急犯
其陰陰有急石氏曰賤人苦於後荆州占曰諸侯

相攻大戰粟貴倍常○火入室巫咸曰臣伐王一
曰有兵兵罷荊州古曰齊有兵民多死歲凶石氏
曰衛軍死一曰相死不死則走甘氏曰由大臣有
臣謀鄒萌曰有賊非盜一曰天子宫中有凶二十
日以上天子惡之○火入室中天子改作其宮○
火逆行室石氏曰王者裏臣謀反若犯之兵大起
環繞之三十日有破國六十日不下有死王若太
子死期一年遠不過三年○火入室而守之四十
諸侯轉粟各虛其國○火入守室環繞成勾已人
管窺輯要

卷之三十五

主失宮棄位大臣謀反夏旱米貴十倍守之二十
日以上至六十日臣爲逆有弒君篡國火經室中
諸侯起兵相謀○火出入畱舍室中有客來欲見
君者又多土工○火入舍室因畱舍之臣謀君宮
中有大變期不出一年海中古曰畱二日天子凶
舍其南后凶舍其中太子凶舍其北諸侯有死者
○火居營室兩君相守相和則古否則俱殃○火
畱室大人憂陳卓曰后死一曰臣下爲賊色赤而
怒芒角火起后宮有變不怒無咎北官候曰火舍

室久居其陰方赤色拔千家危邑驅掠居其陽陽
千家邑拔萬邑亡○火犯室而守之天子好色君
后皆不以令終一曰宮中工役民死歲旱○火以
正月入守室賦歛重氏大饑○火守離宮正東爲
父正西爲母正北爲妻正南爲子守正舍爲身其
言赫其國離易期三年遠五年兵起

鎮星守室天子具造宮室起土工將軍益封石氏
曰天下不安百姓易處人主徙宮工匠大用鄉萌
曰后夫人有憂巫咸曰關樞不到時節人多死乙
管窺輯要

卷之三十五

古

巴古曰大人惡以赦解之○土守室色黃白宮中
有賜金而去者○土守室而南人君有金寶之賜
○土宿室而逆行女主自恣○土犯室其下有兵
出入有斧鉞貴人憂石氏曰犯其陽陽有急犯其
陰陰有急荆州古曰土工興宮中有憂天子慎出
入○土之室田宅大貴○土出人舍室六十日不
下諸侯不通七十日不下天下土工大起○土逆
行畱守室天子不親九族親戚離下謀上天下不

太白守室則兵革散久守則兵滿野石氏曰太白守室去之一尺威令不行又曰太白守室怒主大臣謀兵起於內郝萌曰君有殃天下多賊甘氏曰天下有大兵欲乘水攻王侯之國不出四十日荆州占曰天下更合有破軍期三月若百二十日守之六十日不安將軍死李筮曰太白守室有暴兵金犯室犯陽陽有急犯陰陰有急一曰人君失政兵起官中○太白乘守室環繞勾巳之女主廢一曰有大喪官中出入自恣○太白逆行勾巳營室

管窺輯要

卷之三十五

五

太子宫中有兵○太白出入雷舍五十日不下衛國一百日不下將軍戰死○太白雷舍室中期六十日天下金賤○太白晨出東方上至室而返還入東方強國不利出西方若東方過室強國君有與者不及營室而及強國戰敗○太白犯守離宮環繞勾巳若逆行來往於離宮皆爲女主廢出或主崩或后黨謀或官人通外人以日辰星占之辰星守室天下諸侯發動於西北一曰有水災天子欲發諸侯之國不出四十日巫歲曰五穀不成

麟胡曰徭役起一曰后夫人憂有大喪大臣殃文
冥占曰有大兵乘船而來○水守室北天下關糧
悉不通○水守室危青宮女多死者大人憂守之
一旬期三月相逐三旬期五月國君死○水之室
天下多徭役民無寧處○水犯乘凌室其國水災
城郭有夢一曰水犯室有土工石氏曰犯陽陽有
急犯陰陰有急水宿之應○水入室防有水兵來
不出百一十日

客星流星彗孛于犯占

管窺輯要

卷之三十五

六

客星出室國有土工入饑大臣作亂兵起九十日
其星色赤黃主去國貴人多死將軍國事郝萌曰
客星出玄宮城郭有壞者石氏曰有兵先起者敗
一曰君使於諸侯以色占之赤星出玄宮廟中起
兵白星出室中入有管賜者一曰赤星出室宮廟
之中有死傷客星入室巫咸曰天子有兵事海中
占曰有軍饑將士離散郝萌曰外夷兵入其國多
土工一曰諸侯有變來以五色占之一曰邊兵起
人饑一曰國亂人去其主又曰盜賊起一曰有兵

起巫咸曰天下人流亡一曰多陰雨無立垣北官
候曰版築事興

客星入室中天子有憂順行有德令逆行君凶黑
星入廟中天子以藥殺宮中人不則有藥人主者
白星出入天廟廟中有兵赤星出入臣謀君赤星
若黑星出入宮廟中有死者亦爲之有毀廟事黑
星從天廟南之北女主死

客犯室宗廟中有事天子憂○客星舍室其日
作宮廟多土工畱之不去北夷兵入○客星入室

管窺輯要

卷之三十五

七

甘氏曰有軍則軍降主人得地荊州占曰多雨水
郝萌曰國亂主出工匠起其國絕祀一曰三軍兵
動不戰牛羊驚不出七十日宮中有憂○客星守
離宮中宮有急事人主憂

流星入室有外使所起占其從城乘以五色占其
事流星入室有內亂宮中兵起主去其官一曰天
子使出以五色言其事川星所言其所往之國

流星死室軍之糧春秋犯將貶出秋冬犯水溢有
土工事大奔屋抵室其國貴人死上旬爲老年中

旬爲中年下旬爲少年期一月○流星川冬至後
三日四出至國有急事

彗孛出室國亂有大水大喪易政不出五年有兵
先起者敗一曰兵起人疫○彗見室中後宮有亂
一曰有赦○彗孛犯室先起兵者弱不可戰必敗
失地期百十日遠三年若六年○彗孛出室壁間
兵大起有大喪亡國死王期不出二年

雲氣干犯占

蒼白雲氣入室大人憂喪○黃雲氣入室有土王
管窺輯要

卷之三十五

支

事○黃白雲氣潤澤入室諸侯有使來若出室天
子有使出外皆言宗廟之事

赤雲入室有兵○赤雲氣大道來上下人主不可
出宮有逆臣有疾病不出三年其上大饑有軍在
外則有大戰流血暴尸赤色如波揚入室兵入宮
有亡

黑雲氣入室大人憂死喪○青氣入室其國憂○
雜氣入室名暴死喪○有氣萌潤光澤日月之形
出入室中男子之兆○黃氣光明潤澤出入室國

室宿去極度數考

按室宿本位居亥之次衛并州之分凡十七度二月旦在卯三月旦在辰四月旦在巳五月旦在午六月旦在未七月旦在申八月旦在酉七月昏在卯八月昏在辰九月昏在巳十月昏在午十一月昏在未十二月昏在申正月昏在酉

室二星十七度距南去極八十四度入室初度亦謂營室元命包云營室二星埏陶精類始立紀綱

管窺輯要

卷之三十五

十九

包物爲室爾雅云營室謂之定定者正也天下作宮室皆以營室中爲正也埏陶者和土也言營定宮室必用土包容也容其物乃可以爲室○一曰廟廷天子之宮也一曰玄宮一曰清廟爲軍旅之府又主土工事周禮地官云五卒爲旅五百人爲旅

占曰室下九尺爲日月五星中道上一星爲天子宮下一星爲太廟星明則國昌不明則鬼神不享祀國多疾疫動則有土工事芒角則有兵輔臣死

日食則外戚弄權月食犯則女主憂月暈天下婦人多病死土木守則天子大造宮室火犯主火災彗孛守犯則王室大亂

離宮六星兩兩居之布分於室上爲附座天子別宮中藏休息游幸之所離明也離宮天子行幸之殿蓋取南方離明之象如漢高祖於五柞建離宮宋劉裕於凌歊臺建離宮漱清考齊宣王見孟子於雪宮離宮名離爲火雪爲水故以雪加之是取水火既濟

管窺輯要

卷之三十五

三

占曰離宮后妃六宮之位爲宮掖永巷星明則后妃有序不明王者無嗣移徙則嫡妾相踰越宮妃怨曠金火守后妃凶客守有內亂彗孛守宮淫亂爲災

雷電六星距西南去極八十七度入尾十二度在室南主興雷動蟄穀梁氏曰陰陽相薄感而爲雷發於二月收聲於八月雷發聲後五日始電電者之光莊子曰陰氣伏重泉陽氣上通於天陰陽分平故爲電公羊曰有聲曰雷無聲有光曰電淮南

子曰陰陽相薄感而爲雷激爲雷驚蟄後雷乃發
聲入蟄之物振動而出易噬嗑象云雷電合而章
言雷震電耀相須並見合而章漱清考水雷屯
象革穿地是雷發聲不獨蟄虫振動而出雖草木
勾萌甲折者亦乘振動而生

占曰賫物萌動則雷電交作

壘壁陣十二星距西第一星去極一百一十五度
入虛初度在室南羽林北羽林垣壘也又曰天軍
營乃軍營垣壁

管窺輯要

卷之三十五

主

占曰星象明大則國安寧動搖芒角兵起不見則
兵散將憂金火守兵起彗孛守犯天下亂大兵起
羽林軍四十五星三三而聚距大星去極一百一
十七度入危一十五度半散布室南天軍也主軍
騎又爲翼衛長豎輔也

占曰羽林星衆如常則天下安不見則軍弱少金
火守則兵起大將憂彗孛守天下大亂將敗軍憂
鉄鉞三黃星距北去極一百一十三度入室三度
在八魁西北主行誅距南斬伐奸謀漱清考中庸

云不怒而民威於鉞鉞一字之貶威於鉞鉞是鉞
鉞乃天子用威之凶器

占曰鉞鉞不明則臣民安芒角兵起金火守則大
臣受誅彗孛守天子過殺失當天下亂

北落師門一星去極一百二十六度入危一十一
度半在羽林西南乃天蕃落亦曰天軍蕃落候門
主備非常以候兵長安北門曰北落門以象此
占曰星明潤則軍安不見則兵敗散金火守兵起
客入則胡虜犯塞彗孛字犯則邊兵大起

管窺輯要

卷之三十五

三

八魁九黑星距南大星去極一百三十九度入壁
四度半在北落師門東南主設機穽張羅網知禽
獸之官也機者機械穽者陷穽羅網者絲結網罟
皆掩取禽獸者也中庸所謂驅而納諸罟獲陷穽
之中易繫詞作結繩爲網罟以佃以魚周禮秋官
冥氏云掌設弧張爲穽獲以攻猛獸亦此之謂

占曰客星入八魁多盜賊而兵起金火守亦然

天綱一黃星去極一百二十九度入危五度在北

落師門西南主武帳弋綱事武帳帳幕也書云幕

入掌帳漢武帝作甲乙武帳又曰蓋轍爲武士之象一曰置兵闌五兵於帳中弋者以生絲繫矢射鳥

占曰天綱明天子出游田獵金火犯守兵起
土公吏二黑星距西去極八十五度半入危五度
在室西南主土功之官隋志云主司過失謂誤差
也漱清考土公吏乃鎮星分屬之吏四季每季主
十八日旺相土事何得思過失精義云主季夏司
信

管窺輯要

卷之三十五

三

占曰土公吏明大動搖有修築事

騰蛇二十二星距中大星去極四十四度入危七
度半在室北若盤蛇狀謂之天蛇主水虫風雨虫
謂魚鱉蝦蟹龜鼉龍類漱清考騰蛇分見天河
中謂之水虫可也若以水虫爲魚鱉蝦蟹類則非
也騰蛇二十二星謂之蛇則蛇豈止二十二種有
水蛇有虺蛇有蝮蛇有黃蜂蛇黑蜂蛇赤棘蛇白
蛇蘄蛇香蛇財蛇菜花蛇青竹蛇蛟蛇鱗蛇雄虺
蛇兩頭蛇條蠹蛇蝮蛇赤蛇靈蛇毒蛇妖蛇等胡

可以泥水虫二字以魚鱉解

占曰騰蛇司旱澇居常則國安豐稔明太水澇不
元主旱火守亦然客守則雨水為災

室宿雜座

騰蛇

騰蛇二十二星在室北河濱若盤蛇之狀一曰天
蛇蛇之狀也魚龜鱉蛟水虫之長也主水族水中
之虫皆屬焉星明則水族茂魚鹽賤不明反是天
蛇徙而南則兵起徙而北則大水一曰天蛇明大
管窺輯要 卷之三十五 舌

動搖水虫為孽天下有大水災徙而南大旱○五
星守犯天蛇天子前驅凶奸臣有謀前驅為變天
子憂○火星守犯天蛇魚鹽貴○金星犯天蛇水
災萬物不成○客星守騰蛇雨水為災水物不成
水虫為敗○流星出天蛇水旱俱作地震有兵喪
若入之雨水為害水物不成魚鱉貴○彗孛出天
蛇水道不通天下大恐○黑氣出入天蛇天下大
水

離宮六星兩兩而居在室宿左右天子之別宮主
隱藏休息之所星動搖則土工興不具則君憂一
曰君無子○月宿離宮君數移寢處○彗孛干犯
離宮宮室有修建事○金火干犯離宮成勾巳環
背爲兵起

雷電

雷電六星在室宿南主興雷動蟄其星明大動搖
則歲多雷電不明則否○流星出入雷電風雨不
出七日一曰赤色旱青白色雨

管窺輯要

卷之三十五

五

土公

土公吏二星在營室西南主設備司過失其星動
土工起○熒惑守犯土公吏有火災兵起○太白
守犯土公吏兵大起

壘壁陣

壘壁陣十有二星在室壁南橫列其中四星在兩
端合四方羽林軍壘也主天子軍營星明則國安
失常則兵起動搖則軍不安移徙則將死不具則
兵起亡則兵悉出大亂○五星入壘壁陣皆爲兵

起熒惑入之將軍爲亂宮中兵起太白守之天下
兵起左右幸臣作亂客星入犯之兵起○流星入
壘壁陣色青入南則后憂入北則諸侯憂色赤黑
入東后有諫入西太子憂色黃白諸侯受賜

羽林軍

羽林軍四十五星一二三而居散在壘壁陣之南
一曰材官一曰天南庫一曰單于軍衛士之象也
主鼻王羽林爲天軍水官也主守衛天子之宮故
在室壁之南其星明而象實則國安稀疎不明則

管窺輯要

卷之三十五

美

兵士出不具則兵大出亡不見天下兵盡出一曰
羽林動搖則兵起不出兩月車騎發○月入羽林
軍中兵大起○五星入羽林軍兵大起若逆行或
變色成勾已天下大兵起關梁阻塞不出其年一
曰逆行入羽林軍有叛臣○歲星入守羽林軍諸
侯悉發兵強臣謀主王者憂順行羽林軍興師者
吉以始入日言國一曰木星守羽林軍有破軍殺
將○熒惑入羽林軍守若守之有叛臣兵爲亂兵
不可用守之二十日天子當之有大赦火星守羽

林軍三十日芒角赤色大國有急諸侯悉發兵一
日興兵者亡守二十日已上臣謀逆有破軍殺將
逆行成勾已天下有大兵道路塞○鎮星入羽林
軍有大喪大水○太白入羽林軍天子自將若守
之大將出臣謀主有喪○太白逆行羽林軍成勾
已有亡國○辰星入羽林軍天下兵起四夷入中
國人主憂又曰國以水爲憂餘古同前○客星守

羽林軍兵大起將吏憂若出之兵大起有亡國守
之久將有謀主者憂期三年○客星出羽林軍色

管窺輯要

卷之三十五

七

黃白軍有喜色赤臣叛主若戊巳日見中兵起天
子有大憂○流星入羽林軍色赤入東軍兵起入
西太子起兵入北諸侯起兵兵出隨星所之流星
色赤入天軍之南天子死入西太子死入北諸侯
多死流星色黃白入天軍之西天子立太子入其
中天子立諸侯王不則受賜○流星色白入天軍
之南后憂疾色赤黑入其東后有謀○彗孛出天
軍兵起官中臣弑主大人披甲守之一月國破○
蒼白氣入羽林軍君有憂赤氣入兵起黃氣入天

子入軍中黑氣入大戰入其南天子忌之西太子
忌北諸侯憂○赤氣出羽林軍兵隨之出○黃白
氣出羽林軍南后有所獻出其北太子有所獻
鈇鉞三星○曰鈇鎖在羽林軍西主斬殺極詐星
不欲明動皆爲鈇鉞用移徙失常則兵起○月犯
鈇鉞金刀用將有憂一曰有戮臣○五星中犯乘
守鈇鉞天下不安爲斬奸謀之事臣叛主○客星
入鈇鉞士卒亂外兵擒殺其將鈇鉞用以入日占
管窺輯要

卷之三十五

天

國若犯守之皆爲軍將憂○彗孛出鈇鉞人主以
妄濫殺人致臣謀反

北落師門

北落師門一星在羽林軍西南天軍之門也主候
非常落者蕃落也其星明大則將武兵精天下安
細微則兵羸將弱武備不修亡不見則天下有兵
大將出國不寧人主憂芒角動搖則兵大起○月
犯北落師門天下兵起○歲星守北落師門軍吉
久守之或犯乘之或逆行守之皆有兵戰破軍殺

將期百八十日鎮星占同○熒惑中犯乘守之北
落師門大戰破軍殺將伏屍流血○太白入守北
落師門兵大合於軍門夷狄入塞犯之占同熒惑
辰星占同客星犯守占同金火若出之邊夷兵入
塞○黃白星入師門天子有喜赤星出師門兵出
○黃星出師門天子使出軍中有喜○流星抵師
門天子有兵北夷入塞大將出鈇鉞用○彗孛出
師門大戰殺大將一曰夷狄作亂人主自將兵○
蒼白氣入師門有疾疫赤氣入師門兵入出師門
管窺輯要

卷之三十五

五

將死

八魁

八魁九星在北落師門東南主設機穽張禽獸之
官金火入守乘犯八魁兵大起○客星出入八魁
多盜賊

天綱

天綱一星在北落師門西北主武帳官舍天子弋

獵之所○金火彗孛犯守天綱兵起

六安黃 鼎玉耳父纂定

男九命簡臣

侄九錫公位

九疇倫叙

九如石介

侄孫珮琢成

珂先鳴

桐城方兆及子詒全閱

管窺輯要


卷之三十六

一




奎


王公



震



雲雨



錢銀

東壁二星主文章天下圖書之府也星明王者明
道德國多君子星失色大小不同主土者好武輕
文不近文士星搖動則有土功五星守犯則王小
入亂政爲叛兵興賢人去并衛之分有兵災大廐
十星爲太僕之官若今之驛亭也主傳舍置驛逐
漏馳驚謂其行速急與晷漏馳移也五星犯守馬
令憂鐵鎖五星客星守犯大臣誅霹靂五星雲雨
四星在土公南亡則大旱土公二星在壁南動搖
管窺輯要

卷之三十一

二

則土功興

壁宿

壁二星宋志距南星八十度半赤道八度六十分
黃道九度三十四分其下十四尺爲天之中道在
天門之東故云東壁史記云不周風居西北王殺
東壁居不周風東主闢生氣而東之是也天下圖
書之祕府所以崇文德也明則圖書集道術行君
子進小人退暗及失色大小不同則天子重武臣
賤文士圖書隱藏佞邪用事詩疏云壁者室之外

院故動則興土功離徒就聚爲田宅事日月食損
賢臣五星孛犯兵起歲守之壬水傷五穀七曜躔
之壬風起

土功二星在壁南執役之民也一作主土功之官
恐非動搖則土功作

霹靂五星在土功西南雷電之南主興雷奮擊占
明而動則兵興暗則吉

雲雨四星在霹靂南所以發生萬物者也主鬪生
氣而東之乖和皆於此候焉明則多雨火守大旱

管窺輯要

卷之三十一

三

水守涿王者之師如霹靂之威如雲雨之澤故曰
三代之兵若時雨

天廐十星在東壁北狀如天錢主司馬有職之官
所以養馬掌於校人者也蓋天廐之馬今之驛亭

也傳令置驛逐漏馳騫謂其行急疾與晷刻並馳
也不見則天下道斷動而明則多郵驛有兵事五

星守之王者當之

鐵鑽五星在天倉西芟割之具也玉應電作鐵鑽

主斬芻銜藁以飼牛馬明則牛馬肥暗則牛馬餓

不見則牛馬多死有星入之大臣誅

壁宿主文書圖府土工度八度六十分外十四尺
爲黃道餘見室宿下

壁宿歌

兩星下頭是霹靂霹靂五星橫着行雲雨之次曰
四方壁上天廡十圓黃鐵鎖五星羽林傍土公兩
星壁下藏

壁宿考

霹靂五星在土工西南主奮擊 雲雨四星在霹

管窺輯要

卷之三十六

四

廡東南 土功二星在壁南至土功之官 天廡

十星狀如天錢在壁東北天馬之廡也主傳舍

鐵鎖五星在羽林天倉西南斬艾之具主刈芻餉

牛馬

壁二星主文章天子圖書之祕府也亦主土功明

則王者昌道術行君子進小人退若失色或大小

不同天子重武臣親黨邪搖動則有土功日月食

損賢臣五星孛犯兵起歲星守五穀以水傷詩疏

云壁者室之外院箕在南則壁在室東故稱東壁

月令仲冬昏東壁中 土公二星在壁南王造官
室起土之官 霹靂五星在土公南王行天威擊
萬物 雲雨四星在霹靂東南王雨澤 鐵鑕五
星在雲雨東南 天廐十星在壁北至天之馬房
廐苑今之驛亭也不明則道路不通

壁二星九度距壁南星去極八十五度在黃道內
十二度少土星也春夏爲金秋冬爲水主文章天
下圖書之祕府也一名天術星星明國昌王者興
道術行國多君子星失色大小不同王者好武經
管窺輯要 卷之三十六 五

士不用圖書隱星動則有土功文士用

日食壁中國用賢士失文字 月食壁中大臣謀

君大旱不熟人饑米貴有憂文字者

木守之五日文士用朝廷興王者宜 火守之臣

謀若人饑賢士不進大兵起 土守之久守賢士

用文章道術興國君壽天下豐 火入壁中王崩

入留五日則相死若不死必流斥 土逆行入壁

萬物不成若久守經九十日已上兵起百姓有立

王者 水守之水災道不通 金守之天下不通

王者急刑罰有兵起大臣有憂愁 客守之多風
雨及水災臣下賊主不明有內亂 月暈壁天雨
雹其分國亂政 彗孛行犯之兵起火災木屈門
有叛者

壁宿總敘

壁二星曰東壁一曰天衝一曰天地一曰天梁圖
書之府土星也至文章亦至土工興營室共爲天
之四輔其南下九尺爲日月五星中道星明正則
道術行國多君子若大小不同或失色則天子輕
管窺輯要

卷之三十一

六

日月變異占

日在壁食王者不從師有失忠孝道文章經術不
用王政不興國以亂亡 日暈於壁人君棄賢用
佞名士憂

月在壁食大臣憂文士執天文論女主憂文章不
用一曰有開閉之事大臣誅一曰陰陽毀傷不能
化生 月暈於壁風起有大水寡婦嬰兒多死一

曰其分有兵海中占曰工役大興黃帝占曰軍在外者敗邨萌曰大龍見民流亡荊州占曰國有亂巫咸曰賢士囚戮庫藏火災月暈壁三重其國舉兵不戰而敗月變於壁損乳婦軍在外大驚近臣法一曰大臣爲亂人民多死又曰將死軍絕糧將軍有謀將有府庫土功之事月宿壁中不風則雨南斗同

天月五星干犯占

月犯壁大臣爲亂人多死乳婦憂土王與有兵天管窺輯要

卷之三十一

七

文錄曰近臣憂一曰民饑兵在外將死月掩食壁大臣戮文章廢國有閉門事

彗星守壁賢士用經術行朝政大典一曰有德令荊州占曰木東北去之九寸守之至四十日至百四十日王者好經術文士用

木守壁若犯之有兵起夷狄叛木守壁有惡色人君施不加親戚天下諸侯有謀兵起木居東北乙巳占曰五穀水傷木犯壁天下兵起夷狄入犯中國木入壁北官候曰天下男子有慶若

受爵祿 木逆行壁人君治獄不時教令不明若
成勾已 木害土天下不寧 木出入留舍壁行
不順道土工興有空國他徙五穀貴民流亡不歸
其鄉

熒惑守壁大臣謀君歲旱米貴人饑賢士不用內
外相讒興邪干政及兵起黃帝占曰言政事者誅
海中占曰官中有火災一曰兵民多死郗萌曰夷
狄兵起大人衛守歲晚多水有土工大役荊州占
曰人主自將兵米石至于文一曰文士傷諸侯相
管窺輯要 卷之三十六 八

謀天下兵起 火守壁南王后死守其西太子死
守其北諸侯死守其東人主自將兵守中人主惡
之 火入壁大臣憂一曰相死不死則逐春秋合
圖曰民服勞文曜鈎曰大臣有謀賊臣內起天子
以兵自守石氏曰衛君死甘氏曰有匿謀一曰民
疫巫咸曰萬物不成歲凶海中占曰臣陵君一曰
有土工北官候曰天下以食爲憂郗萌曰火以甲
乙日入壁東方有殃丙丁日爲南方戊己日爲中
央庚辛日爲西方壬癸日爲北方 火居東北壁

兩事相守不解則君有殃 火出壁米貴人流亡
火出入留舍壁三十日不下五穀貴民不歸其
鄉六十日不下外兵至三十日不下有火災民疫
火中犯乘凌壁兵起工役興一曰臣下弄法賊
臣起 火逆行東壁民疾疫一曰女至自恣 火
逆行犯壁環繞成勾已冲國受兵其君死不死則
走

鎮星守壁賢士用道術興天下豐熟人主壽昌石
民曰遠人來貢若失行變色驟兵起有土工夷犯
管窺輯要 卷之三十一 九

人民多病水旱俱作萬物不成一曰有易市荊州
占曰土舍壁文士用 土出入舍壁有土工留舍
之九十日不下天下有立王 土逆行壁女立政
土逆行守壁歲旱民多病萬物不成 土逆行
成勾已其國有大兵土工大作六十日不下天下
有立王 土犯壁巫咸曰萬物不成人多病
太白守壁大臣嚮政天下有軍不戰久守之天下
不道天子尚刑罰有兵大臣憂黃帝占曰文武并
行術上用兵大人憂其國亡右氏曰多風雨水災

巫咸曰旱多水災郝萌曰胡兵入天下兵起金
犯壁有兵喪多風雨金出入留舍壁五十日不
下大人當之太白逆行守壁兵發於內太子后
妃有謀

辰星犯壁王者刑罰急朝廷憂國有蓋藏保守事
水乘壁下臣有謀不成若凌之其分有兵喪起
水守壁兵起有水災道不通石氏曰國有大喪
郝萌曰胡兵起有土工若凌之其分有喪兵起
水守壁石氏曰近臣憂入而守之奸臣謀上水

管窺輯要 卷之三十六

星逆行壁大水出津梁不通民大饑

客星流星彗字干犯占

客星犯壁文章之士死荆州占曰有大喪一曰有
宗廟土工事一曰津梁不通客星守壁多風雨
水災臣謀主邊有言政事以外猜內者石氏曰西
方有舉兵伐中國郝萌曰臣有以子女惑天子者
命在后族執政大臣政令煩且數易事民不安其
居一曰君臣匿謀士食進毒一曰倉粟大出米貴
人饑且有城郭之事郝萌曰天下且有喪又曰

牛馬死一曰白衣滿野

赤星守壁在其東天子出為君自守在其南后死
在其西長子死在其北諸侯有死赤星從西北
入其東壁天子守戮其臣一曰臣殺主客星入
壁入主凶宗廟多工役水火津梁不通一曰折鹿
皮貴北官候曰有建城郭立都者一曰臣謀主黃
帝占曰客星入壁色黃白水津為災客星來舍
東壁天子有慶河津事一曰后族執政多工役大
水客星出東壁玄冥占曰兵起四方有大水五
管窺輯要

卷之三十六

十一

穀不成人饑有壞城郭不出二年客星居壁中
穀大貴遊其傍牛貴

流星犯壁文章不用主天子憂一曰其國有兵一
曰大國分兵曰流星入壁天子有宗廟事流星

從西壁入東壁天子用故臣流星抵壁婦人災
一曰四夷交兵天下亡婦一流星出壁其下有亂

兵乙己占曰流星色黃白明潤出入東壁天下文
章進用道術興遠人來貢

書李犯壁兵起太曰廟門廟堂流血天下降或曰

水災武氏曰宗廟壞大水民流 彗孛出壁王者

自用兵災及宗廟四門交兵流血濤濤人民惶懼
莫知其殃近期一年中三年遠五年一曰彗出不
用名士死

雲氣于犯占

蒼白雲氣入壁大人憂死喪出之禍除 赤雲氣
入壁有兵 赤雲氣入壁如波揚兵火並起有燒
死者 赤氣從西壁入東北兵氣天子手殺其臣
黑氣入壁有破國亡一曰有大水 黃氣入壁

管窺輯要

卷之三十六

十一

天子裂土建侯陳氏曰烈士出 青雲氣入壁有
兵起 黃白雲氣入壁外國有人貢一曰天子立
廟期一年

壁宿去極度數考

按壁宿本位居亥之次衛并州之分凡八度三月
旦在卯四月旦在辰五月旦在巳六月旦在午七
月旦在未八月旦在申九月旦在酉八月昏在卯
九月昏在辰十月昏在巳十一月昏在午十二月
昏在未正月昏在申二月昏在酉

壁二星八度距南去極入十度半入壁初度亦曰東壁主文章天下圖書之祕府禮記云日在東壁言壁主文章乃圖書之府文居東故壁位居東令壁屬北方者自次舍言亦主土功淳風云壁搖動主土功

占曰壁下九尺爲日月五星中道星明大則圖書集道學行君子進小人退若失常則國重武賤文圖書隱動搖有土功日月食損賢臣事掌守土功興兵起

管窺輯要

卷之三十六

十三

霹靂五黑星距西去極九十三度入危十五度在室下主興雷奮擊霹靂乃奮迅雷又曰陽氣太甚擊碎萬物激清考孔子迅雷風烈必變註云敬天之怒

占曰明動則雷用事

雲雨四黑星距西北去極九十五度入室五度在霹靂南主興雲布雨澤易乾卦云雲行雨施天下平激清考孟子云天油然作雲沛然下雨

占曰雲雨明多雨水火守旱水守澇

天廐十黃星距西去極四十九度半入壁初度在
壁東北至天馬之廐養馬之官廐養馬之所亦曰
閑廐一曰馬肆周禮夏官校人掌五馬之政凡頒
良馬而養乘之乘馬一師四圉三乘爲皂三皂爲
擊三擊爲廐漢有九廐一翠華二大輅三果馬四
輶梁五騎馬六大苑七胡何八駒駘良馬也九大
廐唐有六閑天子之馬左右六閑總十二閑一飛
黃二吉良三龍媒四駒駘五馱馱千里馬也六天
苑武后改爲飛龍祥麟鳳燕鵠鷺吉良羣鸞漱清
管窺輯要

卷之三十六

十四

考天廐在今時內有御馬監外有牧馬所又主驛
亭

壁宿雜座

天廐

天廐十星在東壁北狀如天錢天馬之廐也

傳舍

傳舍其星變色失常則人主以馬爲憂不則馬病
明而動則天下驛使繁多星亡不見則天下道路

斷絕月行入天廐外兵歸人主不安木星入

天廐馬災若守之人至以馬爲憂上星占同 火
星入天廐馬災若犯守之兵起馬出金水星占同
客星入天廐馬有驚駭萌曰馬災廐車出滿三
日有赦若出守之有驚戒事 流星出天廐天下
驚 孽孛出天廐名廐有火災車馬有恠臣執主
權有變法

土公

土公二星在壁宿南至營造起土之官其星動搖
土工興 流星冲犯土公土木之官憂

管窺輯要

卷之三十六

五

雲雨

雲雨四星在霹靂南至雨澤成萬物其星明多雨
有水災星亡則大旱 火星守雲雨大旱水星守
守雲雨大水

霹靂

霹靂五星在土公南至興雷奮擊其星明動則多
震不明則否 五星守犯霹靂其歲多霹靂震擊
鐵鎖

鐵鎖五星在羽林軍東天倉西及戛刈之具也至

斬芻食牛馬星明則牛馬蕃息暗則耗亡不見則
牛馬多死 客星守鐵鎖大臣謀 彗孛守鐵鎖
兵將憂

北方七宿雜座

河鼓軍之鈇鉞拒難亦名三武二旗設險以知敵
謀建爲謀事亦名旗鼓織女天女也瓜菓絲帛漸
臺晷漏也吹灰律呂輦道嬉遊之路天弁市官之
主奚仲車正天淵水府天雞明伺候狗星主守禦
狗國爲烏桓獫狁之屬鱉星亦水族魚蟲之物天
管窺輯要 卷之三十六 六

桴主桴鼓刻漏天津至四瀆津梁離珠後官之府
藏羅堰豬畜之堤塘九坎溝渠水旱天田澆畝農
桑瓠敗二瓜瓜菓園囿十二諸國列土之至瑠瑜
珪衣玉飾哭星哭泣死喪司祿兮官祿年德司危
兮臺榭安危掌生算者爲司命主過失者爲司非
人星主萬民亦爲巡夜車府爲客館亦有官爲壘
壁陣天軍營壘天壘城鬼方北夷敗日亡敗災咎
流移土公吏設備而至土杵與日給軍而春糧造
父御馬也亦其官矣騰蛇水蟲也風水北方滄天

子宮室者爲蓋屋主陵廟禱祝者爲虛梁綱爲弋
綱武帳泣主墳墓死喪天錢軍之府藏師門蕃落
夷荒雷電霹靂雲雨各以其事所主羽林翌衛之
天軍鈇鉞行誅而用戮玉良車馬也御車之官天
廐馬官也驛遞之廐土公主營造而起土功八魁
設機穽而張禽獸

管窺輯要卷之三十六終

管窺輯要

卷之三十六

十七

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴


桐城方兆及子詒全閣

管窺輯要

卷之三十七


一

紫 徽 垣




附路

重南門



六安黃 鼎玉耳父纂定

婁



河

西方七宿總論

西方七宿共四十七星其屬四十九座共二百五十星其精白虎奎象虎婁胃昴虎之三子也畢象虎背參象麟背爲首參爲身也白虎亦瑞獸也爾雅謂之虺蓋騶虞之異名不食生物食白死者其性聖仁五靈之一也與龍虎龜俱爲王者之瑞故西方七宿配焉俗傳奎爲天將婁爲天獄胃爲天倉昴爲天目畢爲天耳背爲天屏參爲天水

奎宿論

管窺輯要

卷之三十七

二

奎十六星天之武庫也一曰天豕一曰封豕一曰兵禁暴又主溝瀆西角大星曰大將星欲其明五星客彗守犯主徐魯之分兵饑大將惡之大水河決之災閣道六星在王良前飛道也從紫微至河神所乘也爲天子遊幸之道也附路一星在閣道旁別道也王良五星在奎宿北居河中天子奉車騎官也其四星曰天駟旁一星曰王良亦曰天馬其星動爲車騎遊野亦曰天橋主御風雨水道或占車騎或占津梁客星守之道路不通前一星曰

策王良之御也軍南門一星在閣道南動搖則兵起外屏七星在奎南天溷七星在屏南不明則民失業多疾病土司空一星地官也

奎宿說

奎十六星舊錯以西大星爲距卽損壁二度加奎二度今取西南大星爲距卽奎壁各不失本度宋志距西南大星去極七十二度赤道十六度六十分黃道十七度八十七分黃道自奎一度七十三分六十三秒入戌赤道自奎一度五十九分九十分管窺輯要

卷之三十七

二

七秒入戌至溝瀆故曰奎中星明水大出其下十三尺爲天之中道其西南大星謂之天豕自石氏謂奎爲天豕亦曰封豕爲大將主兵以禁暴天之武庫河圖云彗貫奎庫兵悉出禍出強侯外夷胡應逆首謀也土金合於此至內兵亦爲邊兵明則天下安動則兵亂客星入守兵起暗則臣逆命開闔無常則有白衣僭位於山谷者奎不欲圓若圓則兵起金火守爲旱災水星入爲滂隋志云若帝淫泆政不平奎有角搖動則有兵不出一年若有

光焰則近臣謀上亦主饑五星犯則權臣擅命太
白守則胡貊憂可以伐之土木守則中國利外國
不利可以興師伐無道火土合主憂失所守居其
國得也奎又爲卑賤婦人奎未有文章之府者古
云東壁二星乃文章之府悞以爲奎壁三星乃文
章之府耳宋五星聚奎實在奎壁間故以爲文明
之兆

外屏七星在奎南舊在黃道三度唐志測在黃道
所以天溷之穢也占與天溷同移徙不見則人不
管窺輯要

卷之三十七

安

天溷七星在外屏南亦天之厠乃豢豕之所也移
徙不安則人不安

土司空一星在天溷南外屏之西南主土工之事
百工惟土木爲大司空冬官主度地居民相景之
職又主營建宮室工師之事土公吏其屬官也大
而黃明則天下安若客星入則多土工天下大疫
軍南門一星在天將軍西南乃軍馬也主津河出
入占動搖則軍行若不見則兵亂

附路一星在閣道南旁道之便路乃別道也所以
備閣道之敗覆而乘之也一曰太僕主禦風雨亦
遊巡之義也占與閣道同
至四更星太子奉車
王良五星在奎北居河中天子奉車御官也旁一
星曰王良其前漢中四星曰天駟亦曰天馬與王
良共五星舊以房星爲天駟不若此四星爲從其
類也但既有四星與王良共成一座又以四星爲
天駟則悞矣王良動則爲策馬故曰王良策馬車
騎滿野亦曰王良爲天橋主禦風雨水道客星守
管窺輯要

卷之三十七

五

馬病

王良上一星曰策乃王良所執以禦之策也在傳
舍東南至天子僕御在王良之北傍若移在王良
前居天馬後是眞王良策馬主兵起周騰爲侍御
史桓帝當郊平明應出騰仰觀曰宮中星及策鳥
星悉不動上明日必不出至四更皇太子卒遂丘
閣道六星在王良前飛道也張衡云天子遊別宮
之道也故從紫微宮絕漢抵營室神所乘也一曰

王良旗一曰紫宮旗亦所以爲旌表也不欲動搖若動搖則宮掖之內兵起其占一星不具則輦道不通又說奎宿主溝瀆兵戎度十六度六十分外十三尺爲黃道初奎三度外未胃四度內於辰爲戌於分爲魯於野爲徐州賦奎婁降婁分野魯徐循岱嶽衆山之陽濱於淮泗今濱沂密密之郡歷國皆屬於十一月在壁昏中東二月爲太陽彊次

奎宿歌

管窺輯要

卷之三十七

六

腰細頂尖似破鞋一十六星繞鞋生外屏七烏奎下橫屏下七星天濶明司空右畔土之精奎上一宿軍南門河中六個閣道形附路一星道傍明五個吐花玉良星良星近上一策名

奎宿考

策一星在王良北主執天子之御天閣道六星在王良東北天子遊別宮之路陽路一星在閣道

傍備閣道之敗缺王良五星在奎北河中四星

爲天駟一星曰王良主天馬又爲天橋主御景風兩

水道 軍南門一星在奎東天將軍西南主軍出入 外屏七星在天濶東北以蔽濶也 天濶七

星在屏南參養之處 土司空一星在天濶南主水土之事

以上西方七宿之星按白虎屬西方居兌兌金稟收斂肅殺之氣有虎象焉履言履虎尾者內卦兌也革言虎變者外卦兌也頤言虎視眈眈者有伏兌也象言參爲白虎者參申也參據白虎之首有斬刈殺伐之威東有大狼狼亦虎類也是以爲天管窺輯要 卷之三十七 七

之將星七宿中有取武庫天倉者亦以應摯斂之秋

奎十六星天之武庫也主兵西南大星名天豕自亦名大將又名女令石氏曰奎主庫兵禁不時故置將軍以領之又主溝瀆國家將有陂池江河之事皆占於奎明吉客守兵起金火犯水災帝淫泆則奎有芒角奎中星明水災月令仲春日在奎季夏奎口中

外屏七星在奎南至蔽內外 天濶七星在外屏

南王除濁穢之事

土司空一星在外屏西王版

築之事

軍南門一星在奎北主軍營之事搖動則兵起不見天下亂

閣道六星在奎東北天子遊別宮之道也一曰王良旗一星不具則輦道不通經曰閣道優游而據中是也

附路一星在奎西北備閣道敗覆而乘之也主禦風雨亦從遊之義經曰附路備闕而居下是也

管窺輯要

卷之三十七

八

策星一星在王良之前天僕策御馬者

王良五星在奎宿西北河中漢中四星名天駟旁一星爲王良王良主御天馬明則僕射行暗則道路不通又曰王梁梁爲天橋故或占車騎或津梁道

奎宿奎十六星十六度距奎西南天星去極七十度在黃道內二十四度少金星也春夏爲金秋冬爲水天之武庫也一曰天豕一曰封豕以主兵禁暴又主溝瀆西南大星所謂天豕亦因大將爲

聚衆主文章軍庫又主水左大星爲左將軍右大
星主右將軍星明大則水動則兵出有運輸
日食奎中國君不安 月食奎中大臣有憂 木
守之留三十日已上天子道大興若入之有逆謀
國君大憂 火守之其國人相譖父子不相親留
二十日已上臣謀反米貴人多病死婦人多產死
亦水災有兵攻擊有赦 土守之貴女執政 若
星出入奎中水道通國亂更立王侯 水守之水
災兵起大臣下獄 金守之大水橫流傷五穀出

管窺輯要

卷之三十七

九

八十日有兵起不成戰鬪 客守之赤色兵起外
夷動人流亡 彗孛行犯之其年大饑國君親征

月暈奎婁下有兵大人多死大將軍戰死

奎宿總敘

奎十有六星曰封豕一曰天豕一曰天庫一曰天
邊奎星也奎馮天之武庫其下九尺爲日月五星
中道西南六星爲之天豕自亦爲大將又爲女令
石氏曰奎主庫兵禁不時故置將軍以領之奎又
主溝瀆故將有陂池江河之事皆占於奎奎大星

欲其明明則天下安芒角動搖國必用兵或曰有
蔽奎星直則人主弑天下無支動則有溝瀆之事
芒角則人主淫泆廢政奎中小星明則天下大水
天豕目主水瀆動則有水以日占其國

日月變異占

卽在奎食魯國凶其邦君不安曰有白衣之會南
那不寧京房曰三公與諸侯相賊又曰爲水旱三
公失位一曰廐庫起兵武氏占曰邊境得上意之
臣起兵

管窺輯要

卷之三十七

十

日暈於奎府庫火災一曰其分守臣黜一曰其下
有兵疫

月在奎食大臣憂石氏曰邦不安有白衣之會海
中占曰大將有謀邊將有黜一曰兵乏糧一曰聚
斂之臣出者

月暈於奎巫咸曰米貴石氏曰民多疾一曰天下
有兵大臣多死郝萌曰妖星出大將戰死荊州占
曰魯國大敗柴大貴武氏占曰其年有妖若者

墜爲石所墜之地兵起

月在奎有變大臣亂大人凶人多死將軍有謀安
子事犯奎同

月五星干犯占

月犯奎大臣爲亂郝萌曰邊地不安兵起人多死
有大水又曰大臣有憂有溝瀆若女子之事乙巳
占曰月犯奎大星乳婦多死邊民不安有大水

月食奎星中大將戰死 月入天庫中天下兵起

彗星守奎四十日巳上王道大興忠臣進用黃帝
占曰北夷來降洛書晬曜度曰五穀熟石氏曰水

管窺輯要

卷之三十七

十一

守奎大饑郝萌曰天下饑兵起有客軍荊州占曰

王者憂一曰多獄訟海中占曰水守奎南馬牛賤

水入奎郝萌曰居其南米粟牛馬繪帛皆賤居

其西百物貴人不安居其中有小赦 水入奎郝

萌曰五穀蟲傷一曰其分有匿謀期一年 水入

奎中而守之兵起王憂大起凶喪應之大臣 水

舍奎中石氏曰有土功郝萌曰有白衣之會海中

占曰水處奎南米賤處其東乍賤乍貴民移徙不

安處其西四月五月米貴處其北民憂 水逆行

入奎而守之其君好攻戰兵不息民流亡 水出
奎光明潤澤吉變色入之有僞令來者若出之有
僞令出外者 水逆行奎臣下有謀匿守之女子
多死一曰水犯奎近臣爲逆一曰有滅諸侯 水
出入留舍奎其年小旱晚多雨水居左右不占若
居中有客來其色光明潤澤主人勝

熒惑守奎國人相譖父子不和若留二十日已上
有反臣兵起米貴人多死產婦多死水災有民相
攻擊有赦黃帝占曰天下民不得息感精符曰庫

管窺輯要

卷之三十七

三

兵起國有死君歲多獄事石氏曰北夷侵邊海中
占曰其國憂一曰女多淫泆一曰山盜起有水事
荊州占曰王者憂貴人多死者赦粟貴西官候曰
大臣有謀君者魯國受兵期一年又曰諸侯爲厚
國有大賊臣謀在近臣一曰兵官當之一曰二千
石多調役之事 火留於奎郗萌曰下臣專獄訟
關梁不通春秋文曜鈞曰主徧當不決 火久守
留於奎動搖進退有赦天下火災民多死 火入
奎民多疾黃帝占曰臣爲逆石氏曰魯國死入十

日相死 火入奎環繞成勾巳宮中火災天子憂
甘氏曰相死三月不去君死不死則出走期三年
一曰有水災人流亡 火入奎留二十日巳上大
臣匿謀有伏賊期八十日八月火變色入奎有僞
來者若出奎有僞令出使者火逆行從婁主奎兵
起逆行守之女子多暴死者 火出入留舍奎天
下有爭言者有伏亡魯受兵一曰諸侯爭霸天下
有饑民自賣者 火抵若起之甘氏曰國人相攢
天下懷憂君臣隔塞父子不相信民多疾病

管窺輯要

卷之三十七

十三

鎮星守奎貴女執政黃帝占曰名士死石氏曰天
子戒在邊境不遠出師巫咸曰有兵災萬物不成
荊州占曰王者憂星色青黑有土功 土出奎中
水泉通國亂更主一曰土星以奎女主攝政國有
貴女郝萌曰兵起東方土入奎又曰起兵一曰國
有水事 土入奎而守之有邊兵一曰齊魯有兵
女變色入奎有僞來者出奎有僞出使者 土出
入留舍奎有德令石氏曰有大水行道不通荊州
占曰國大亂更制 土逆行奎郝萌曰女主爲賊

一曰女出入不時一曰邊境不可用兵出戰
來舍奎有喜令

太白守奎大水傷五穀不出八十日有大兵起終
不成戰石氏曰外夷兵入守之五十日不下有大
水有兵戰一歲不下三歲有兵甘氏曰歲多大霜
海中占曰國以水兵起巫咸曰萬物不成人疾病
海中占曰淫從天起至人出郗萌曰有匿謀不過
歲中大將戰死若戮死期九十日民流有赦荊州
占曰王者憂 金犯守奎外兵來入國若去奎一

管窺輯要

卷之三十七

十四

尺四夷共治中國期四年 金犯奎大霜物不成

有赦 金入奎中大水橫流不出百日郗萌曰兵

起西方 金守奎出而復入米貴人流 金出奎

起兵於國外一曰有僞出使者 金出入留舍奎

其地兵起 金入奎中而將之水泉湧出五十日

不下庫兵大發兵加魯城有戰其地大殃 太白

垂芒守奎天下奮起相攻擊

辰星守奎水災大臣下獄者黃帝占曰臣謀主春

秋洽符曰有溝瀆之事石氏曰天下多憂外國之

王入御中國巫咸曰天下旱多火災萬物不成有
兵起荊州占曰大人當之一曰水出溢水犯奎
江河決臣謀主水之奎天下賤人出貴女水入
奎石氏曰溝瀆決名水絕

客星流星彗孛于犯占奎不去天
客星出奎大水災中國亂一曰國兵出荊州占曰
溝瀆之事於中國外巫咸曰邊兵大起白衣自立
爲王刀劔貴期三多石氏曰有矯命出使者赤
星出奎外夷動兵黑赤有破軍 客星守奎賊臣

管窺輯要

卷之三十七

五

在君側敗其事郝萌曰臣有以巧僞惑天子者一
曰國以侯臣亡又曰天下脩兵有殺霜不時下生
疫六畜貴黃帝占曰米賤荊州占曰王者憂一曰
魯國起一曰軍在外者敗 赤星守奎兵起有變
事國君有憂殃 客星畱舍奎不去天下饑布帛
貴 客星犯奎國有溝瀆事 客星入奎石氏曰
外夷起兵麻貴甘氏曰強國爭地兵起白衣自立
擾中國郝萌曰四夷有兵起山水會荊州占曰邊
兵大起土工大興陳氏曰武庫之臣有罪無所受

命而來使者乙巳占曰有破軍殺將一曰人主憂
赤星入奎邊兵動有敗 黑星入奎天下有溝瀆
事 黃星入奎土工興宮中有變 赤星逆行從
婁入奎起兵

流星死奎下有破軍殺將一曰溝瀆起兵乙巳占
曰武庫用事春夏犯金革兵秋冬犯百川溢 流
星入奎有溝瀆之事於國內武氏曰有聚眾事一
曰爲亂爲饑白衣之會期三年乙巳占曰有破軍
殺將流星出奎有溝瀆之事於國外 流星色黃

管窺輯要

卷之三十七

夫

白明潤出入奎中天子脩文偃武 流星色赤如
火光出入奎中天子下弓弩用

彗星出奎石氏曰西北兵起伐諸侯與夷狄相雁
兵大起天下有大水火喪一食干支近期一年連
三年一曰有廢立國絕嗣魯地兵起 彗貫奎庫
兵悉出禍強臣 彗孛犯奎大饑國君出戰一曰
國無繼嗣

雲氣干犯占

蒼白雲氣出奎有兵入奎天下婦人多災 赤雲

氣入奎有兵入出之兵出一曰有病疫 赤氣入
奎有僞使一曰有無所受命而來者 赤氣出奎
有詐出使者 黃雲氣入奎中有貢珠玉者珍寶
者一曰天子納后夫人 黃氣出奎珍寶有出者
一曰有出宮人不然后妃有出者 赤氣入奎天
下婦人多血疾 黑氣入奎有疾疫三日夜不去
大人憂出之則禍出

奎宿去極度數考

按奎宿本位居戌之次魯徐州之分凡十六度三
管窺輯要

卷之三十七

七

月旦在卯四月旦在辰五月旦在巳六月旦在午
七月旦在未八月旦在申九月旦在酉八月昏在
卯九月昏在辰十月昏在巳十一月昏在午十二
月昏在未正月昏在申二月昏在酉

奎十六星十六度距西大星去極七十二度入奎
初度天之武庫一曰天豕一曰封豕主兵所以禁
暴橫易繫辭云重門擊柝以待暴客激清考孟子
云抱關擊柝又主溝瀆共西南大星所謂大豕目

目眼目溝瀆 解見前

占曰奎下九尺爲日月五星中道居常則天下安
動搖則兵起水溢人君淫泆其政不平奎有角角
動兵起其兆不出三月又有滿瀆事又曰奎中星
明大則大水日月食人主憂將相凶

外屏七黑星距西去極九十九度入壁八度半在
奎南至障蔽臭穢遮擁天淵

占曰外屏居常吉不見凶彗孛守側內有刺客

天淵七黑星距西南去極九十七度半入奎初度
在外屏南天之厠也又爲豢養所厠東廡

管窺輯要

卷之三十七

六

占曰天淵居常吉不見人君不安客入防有刺客
好人

土司空一星去極一百一十五度入奎初度在天
淵南至水土事淳風云水土至水土官

占曰土司空明大天下安土木守多上功事民勞
金火守功利官有憂彗孛守天下徭役虐苦致亂
軍南門一黑星去極六十度入奎一十五度在奎
上至禁出入防詐盜軍營盜賊詐僞

占曰星微明如常將軍安搖動軍行兵起不見兵

亂無紀律客彗字入軍營出入有奸細金火守將
兵災

閣道六星距南去極四十八度入奎四度半在王
良前河中飛閣之道從紫微宮至河天神所乘所
以捍難滅咎乘者履也捍者衛也滅者消也咎者
過也

占曰閣道乃天子遊幸別官之道一星不具輦路
不通搖動芒角宮掖有兵戎彗字客入主防刺客
奸人一日主道里道路也五家爲鄰五鄰爲里言

管窺輯要

卷之三十七

十九

二十五家爲里公羊氏云六尺爲步三百步爲里
又曰天子遊幸別宮道亦曰王良旗一曰紫宮旗
所以爲旌表王良卽王良星乃天子車御官因王
良星所以爲王良旗因紫宮爲紫微旗皆以旌表
爲名

占曰王者宜居正殿爲安福不見人君不安客入
宮中有奸謀彗字守道路主防刺客奸人否則國
亦喪

附路一星去極三十五度入奎五度在閣道旁爲

閣道便路乃備閣道之敗覆敗覆傾壞一曰太僕
至御風雨亦遊從之義太僕九卿官御馬是以有
遊從義

占曰附路乃備閣道之覆敗爲道路之附占曰閣
道

王良五星距西去極三十七度入壁初度在奎北
居河中天子御車官御古作馭控也駕也激清者
王良五星自開天有者是上古有其御車官未必
有王姓良名者自戰國孟子云王良與嬖奚乘始
管窺輯要 卷之三十七 二十

有王良是王良疑此時加之况甘德石申作步天
歌此時不遠同時亦未可知也後人凡爲善御皆
應此五星若王良至今名存則孔聖居德道之極
至今將何星名焉第星列於上象物象官象事不
當以人姓名加之自五帝已有車輿堯有彤車舜
有服車禹有乘權殷有大輅周有戎車革車常車
未必無御善者何獨王良名爲是王良後人加之
無疑 其駟星曰天駟天駟天馬也春秋元命包

云漢中四星曰駟曰天駟旁一星曰王良亦曰天

馬其星動爲策馬故曰王良策馬車騎滿野策星
宜在王良前或居馬後爲策馬漱清考策前既有
策一星此又爲策馬是註釋覺大混不明白一曰
王梁梁爲天橋王禦風雨又主急兵因有王良策
星故主急兵漱清考既曰王良又曰王梁是自相
猜也既有閣道附路策星此爲善御官卽了然矣
爲因王良姓名其人故多牽說

占曰王良居常天子安康動搖車駕興金火守當
有覆車之戒書字守車騎不留行

管窺輯要

卷之三十七

三

策一星去極三十三度半入壁五度在王良近上
主執鞭捧御乃天子之僕御策筆卽馬鞭用以擊
馬故名筆僕者侍御官也書云侍御僕從罔非正
人

占曰策星動搖主急暴兵明問天子遊獵車馬不
停金火犯烽燧緊兵興

奎宿雜座

下良

王良五星在奎北河中一曰天津一曰王濟漢中

四星謂之天駟旁一星曰王良王天馬又主津梁
禦風雨水道一曰天橋天子奉車渡水之官也荆
州占曰王良爲西橋或占事車騎或占津梁黃帝
占曰駟馬參差不行列則天下安若駟馬齊行王
良舉策則天下不安天子自臨兵王良星移則有
兵不具則津道不通王良策馬車騎滿野天下大
亂兵大起明君出不出三年王良正馬疾病天駟
星移近閣道則有江河之變于良與馬齊則天下
大急王良向造父則馬賤王良不居漢中則有兵

管窺輯要

卷之三十七

三

王良駟馬動搖則天子欲出小動小出大動大出
駟馬芒角天子自將又曰王良天駟皆明則馬吉
移徙失色則馬有災歲星犯王良天下有兵強
臣謀主不出其年鎮星占同熒惑入王良人主
有墜車馬之憂馬多死道不通車馬貴一曰有赦
一曰地動熒惑守王良兵馬大動津梁不可渡
諸侯不可通火守王良二十日將亡五十日將土
俱亡郗萌曰天下大水天子馬多死一曰諸侯相
攻強臣謀主不出其年大白入王良馬多死津

梁不通國有憂 太白守王良兵起馬多死守三十日大將亡若王將皆亡 太白犯王良強臣謀 壬辰星犯入乘守占同 客星入王良將士皆亡 若入守之天下兵車大動將死 客星出王良天下有急關津不通馬多死 客星守王良兵馬大動民疾病津梁不通 流星入王良天下有急兵起馬多死津梁不通陳卓曰天下兵悉起若出之兵車出 彗字出王良天子好馳遊奉車反兵大起馬多死天下急津梁不通犯之占同 蒼白氣

管窺輯要

卷之三十七

五

入王良天子憂墜車馬奉車憂出之禍除赤氣入王良太僕奉車誅黑氣入王良太僕奉車死黃氣入王良奉車拜賜天子有喜諸侯有獻馬者一曰有神馬見 赤氣出王良車騎滿野赤氣中駟馬內亂兵起黃氣出王良奉車受命行德令天子出車馬賜諸侯

附路

附路一星在閣道南旁別道也所以備閣道之敗 缺一曰作樂主掃除主御風雨一曰附路太僕之

象也附路以通道備不虞星明則人主昌民不殃
亡不見則道路塞附路正馬車騎滿野正馬謂移
車駟馬之前則天下大亂 五星守犯附路太僕
以罪誅馬多死 客星犯附路天下半隔若入之
大兵起 客星出附路馬當賤若守之太僕以馬
得罪 流星抵附路太僕有憂馬多死若馬大出
彗孛犯附路天下大隔道路不通 彗孛出附
路天下大饑兵大起人主自臨兵 蒼白氣入附
路太僕憂出則禍除黑氣入附路太僕死赤氣入
管窺輯要

卷之三十七

五

閣道

附路太僕有斧鉞之誅赤氣出附路兵起黃白氣
入附路太僕拜賜出之有德令

閣道六星在王良前從紫微宮至河王良旗一曰
紫宮旗水官也主扞難滅咎閣道形如飛閣紫宮
北出至河上天子御道神所乘也主道路又爲天
子遊別宮之道其星行列正直而明則人主吉天
下安不具則御道不通動搖則官掖之內兵起移
徙則臣下有謀王者 五星犯守閣道九州異政

暈圍月或射月皆爲女主不安七日有雨不占○
月暈有非常氣色皆爲女主有謀○月不暈而抱
珥冠戴承履者皆吉數見者君安臣順后宮齊女
主昌○月四時有昏暈皆爲大水

管窺輯要卷之三十七終

管窺輯要

卷之三十七

三五

